

Bosna i Hercegovina, Vijeća ministara BiH - Generalno tajništvo Vijeća ministara Bosne i Hercegovine, Trg Bosne i Hercegovine broj 1, 71000 Sarajevo, kojeg zastupa generalni tajnik mr. Robert Vidović (u daljem tekstu: **Ugovorni organ**)

i

OPUS d.o.o. Mostar, Kneza Branimira 2b, 88000 Mostar, kojeg zastupa direktor Franjo Sušac (u daljem tekstu: **Ponuđač**),

Na temelju Odluke o izboru najpovoljnijeg ponuđača broj: 06-16-3-2755-7/24 od dana 18.12.2024. godine u Sarajevu zaključuju sljedeći

U G O V O R

o nabavci usluga penetracijskog testiranja i sigurnosne analize IT sustava e-vlade sa preporukama

Član 1.

(Predmet ugovora)

Ugovorne strane saglasno utvrđuju da je Ponuđač **OPUS d.o.o. Mostar, Kneza Branimira 2b, 88000 Mostar** odabran kao najpovoljniji ponuđač za nabavku usluga penetracijskog testiranja i sigurnosne analize IT sustava e-vlade sa preporukama, a na osnovu konkurentskog postupka za dostavu ponuda za nabavku usluga penetracijskog testiranja i sigurnosne analize IT sustava e-vlade sa preporukama, broj 06-16-3-2755-2/24 od 03.12.2024. godine.

Član 2.

(Cijena)

Ukupna cijena ponude na godišnjem nivou, bez poreza na dodatu vrijednost, iznosi **33.500,00 KM** (slovima: *tridesettrihljadepetstotinaKM*0/100), a sa uračunatim porezom na dodatnu vrijednost iznosi **39.195,00 KM** (slovima: *tridesetdevethiljadastotinudevedesetpetKM*0/100KM).

Svi elementi cijene ponude koji sačinjavaju ukupnu vrijednost ugovora su nepromjenljivi u toku trajanja ugovora.

Član 3.

(Rok isporuke)

- (1) Ponuđač se obvezuje izvršiti sve usluge navedene u ovom Ugovoru u roku od 29 (*dvadesetdevet*) kalendarskih dana od dana potpisivanja Ugovora.
- (2) Ponuđeni rok izvršenja ne može biti duži od 60 (*šezdeset*) kalendarskih dana, od dana potpisivanja Ugovora

Član 4.
(Obaveze ponuđača)

Obaveze Ponuđača jesu sljedeće:

1. da usluge koje su predmet Ugovora izvrši kvalitetno prema standardima struke;
2. da sa Ugovornim organom napravi detaljan vremenski plan za izvršenje Projekta;
3. da Ugovornom organu u roku od 29 (slovima: *dvadesetdevet*) dana od dana potpisivanja ugovora dostavi sve dokumente koji su definirani Aneksom 2.;
4. da po stupanju na snagu ovog ugovora odredi stručnu osobu koja će koordinirati obaveze iz Ugovora.

Član 5.
(Obaveze ugovornog organa)

Obaveze Ugovornog organa jesu sljedeće:

1. da prati i nadgleda pružanje usluge na temelju definirane specifikacije;
2. nadgleda i po okončanju posla primi pružene usluge;
3. da Ponuđaču omogući pristup svim informacijama, resursima i kapacitetima Ugovornog organa neophodnim za izvršenje predmetnih usluga, te da osigura dostupnost potrebnih ulaznih parametara, ukoliko tražene informacije nisu u suprotnosti sa globalnim sigurnosnim informatičkim politikama;
4. plati Ponuđaču, na osnovu ispostavljenog računa za pružene usluge i potpisivanja Primopredajnog zapisnika od strane ovlaštene osobe Ugovornog organa koji će sadržavati kvantitativno/kvalitativni prijem usluga;
5. po stupanju na snagu ovog ugovora odredi stručnu osobu koja će koordinirati obaveze iz ugovora.

Član 6.
(Plaćanje)

Plaćanje se obavlja na osnovu ispravne fakture ponuđača, za uredno izvršenu isporuku usluga, u roku od 15 (petnaest) dana od dana potpisivanja Primopredajnog zapisnika od strane ovlaštene osobe Ugovornog organa koji će sadržavati kvantitativno/kvalitativni prijem usluga. Ponuđač će ispostaviti fakturu u KM (konvertibilnim markama).

Član 7.
(Porezi)

Ponuđač je odgovoran u potpunosti za sve poreze, takse, dozvole, odobrenja i ostale zakonske obaveze koje nastanu do momenta isporuke usluge Ugovornom organu.

Član 8.

(Prelazne i završne odredbe)

Ugovorne strane su saglasne da Ponuđač nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

Član 9.

(Rješavanje sporova)

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.

Član 10.

(Raskid ugovora)

- (1) Ako jedna ugovorna strana ne ispunji svoju obavezu, druga strana može zahtijevati ispunjenje ugovornih obaveza ili raskinuti ugovor, a u svakom slučaju ima pravo na naknadu štete.
- (2) U slučaju raskida Ugovora, shodno će se primijeniti odredbe Zakona o obligacionim odnosima kojima se reguliše dejstvo raskida ugovora.

Član 11.

(Zaključivanje Ugovora)

- (1) Ugovor se smatra zaključenim kad ga potpišu obje ugovorne strane, i važi godinu dana od dana potpisivanja;
- (2) Ovaj ugovor je sačinjen u pet istovjetnih primjeraka, dva za Ponuđača, dva za Ugovornog organa i jedan za Pravobranilaštvo BiH.


PONUĐAČ
OPUS d.o.o. Mostar

Broj 01-85/2024

Mostar, 30.12.2024. god.


UGOVORNI ORGAN
GENERALNO TAJNIŠTVO
VJEĆA MINISTARA BIH

Broj: 06-16-3-2755-11/24

Sarajevo, 26.12.2024. god.